



NAVOIY VILOYATI KONIMEX TUMANI HOKIMINING QARORI

2025-yil 24-aprel

73-5-70-Q/25

Konimex tuman hokimiligi

O‘zbekiston Respublikasi Prezidentining 2025-yil 8-apreldagi “Qishloq xo‘jaligi mahsulotlarining eksport salohiyatini oshirish hamda qayta ishlash zanjirini rivojlantirish bo‘yicha qo‘shimcha chora-tadbirlar to‘g‘risida”gi PQ-136-sonli hamda viloyat hokimining 2025-yil 18-apreldagi 99-5-0-Q/25 qarorlari ijrosini ta‘minlash to‘g‘risida

Tumanda qishloq xo‘jaligi mahsulotlari eksport salohiyatini yanada oshirish, mavjud yer resurslaridan samarali foydalanish, qayta ishlash, saqlash, eksport qilish va kooperatsiya tizimini joriy etish jarayonlarini o‘zaro integratsiya qilish maqsadida,

QAROR QILAMAN:

1.O‘zbekiston Respublikasi Prezidentining 2025-yil 8-apreldagi “Qishloq xo‘jaligi mahsulotlarining eksport salohiyatini oshirish hamda qayta ishlash zanjirini rivojlantirish bo‘yicha qo‘shimcha chora-tadbirlar to‘g‘risida”gi PQ-136-sonli hamda viloyat hokimining 2025-yil 18-apreldagi 99-5-0-Q/25-sonli qarorlari ijro uchun qabul qilinsin.

2.O‘zbekiston Respublikasi Prezidentining mazkur qarori bilan shunday tartib o‘rnatilganligi, unga muvofiq umumiy yer maydoni 5 gektardan kam bo‘lmagan qishloq xo‘jaligi korxonalarini tomonidan o‘zlariga qarashli qishloq xo‘jaligiga mo‘ljallangan yerlarning dala chetlarida ichki xo‘jalik yer tuzish loyihasiga muvofiq jami yer maydonining bir foiziga, lekin 20 sotixdan ko‘p bo‘lmagan o‘lchamda yer uchastkasidan ruxsat etilgan foydalanishning asosiy turiga mos bo‘lgan muzlatkichli omborxonalar, saralash, quritish, qayta ishlash, qadoqlash, suv tejovchi texnologiyalar va suv saqlash obyektlarini qurishga ruxsat etilganligi, bunda:

obyektlarni qurishni nazarda tutuvchi ichki xo‘jalik yer tuzish loyihalari yerdan foydalanuvchilarning buyurtmasi hamda Agrosanoatni rivojlantirish agentligi xulosasi asosida “O‘zdaverloyiha” davlat ilmiy-loyihalash institutining hududiy bo‘limlari tomonidan ishlab chiqiladi, Qoraqalpog‘iston Respublikasi Vazirlar Kengashi va

viloyatlar hokimliklari tomonidan tasdiqlanishi hamda qurilish sohasida ruxsat beruvchi hujjatlarni olish uchun murojaat qilish huquqini berishi;

obyektlardan foydalanmaslik yoki maqsadsiz foydalanish holatlari aniqlanganda yer solig'i stavkasi belgilangan soliq stavkalarining uch baravari miqdorida qo'llanilishi belgilanganligi ma'lumot uchun qabul qilinsin.

3.Viloyat hokimining mazkur qarori bilan quyidagi ilovalar tasdiqlanganligi, bunda:

2025-2027-yillarda meva-sabzavot mahsulotlari yetishtirish hajmlarini oshirishning maqsadli ko'rsatkichlari 1-ilovaga;

2025-2027-yillarda meva-sabzavot mahsulotlarini qayta ishlash hajmlarini oshirishning maqsadli ko'rsatkichlari 2-ilovaga;

2025-2027-yillarda meva-sabzavot va oziq-ovqat mahsulotlarini saqlash hajmlarini oshirishning maqsadli ko'rsatkichlari 3-ilovaga;

2025-yilda xalqaro moliya institutlari mablag'laridan imtiyozli kreditlar ajratish hisobiga hududlarda o'rnatiladigan 13 ta kichik hajmli ko'chma muzlatkichlarning prognoz taqsimoti 4-ilovaga;

qishloq xo'jaligi mahsulotlari yetishtirishni sanoatlashtirish, qayta ishlash va eksport hajmlarini oshirish bo'yicha chora-tadbirlar dasturi 5-ilovaga muvofiq tasdiqlanganligi ma'lumot va ijro uchun qabul qilinsin.

4. Tuman hokimining o'rinbosarlari (G.Yuldashov, E.Hazratqulov), tuman qishloq xo'jaligi bo'limi (T.Sailov) bilan birgalikda:

mazkur qaror bilan tasdiqlangan prognoz ko'rsatkichlarga erishish maqsadida ishlarni samarali tashkil qilish;

mazkur qarorning 3-bandi bilan tasdiqlangan maqsadli ko'rsatkichlarga muvofiq tuman hududida meva-sabzavot mahsulotlari qo'shilgan qiymat zanjirini yaratishda qayta ishlash va saqlash darajasini oshirishning 2025-2027-yillardagi istiqbolli ko'rsatkichlarini ta'minlash;

bir oy muddatda Respublika hududida ayrim turdagi mahsulotlar eksportining 2025-2026-yillardagi istiqbolli ko'rsatkichlarida belgilangan ayrim turdagi eksportbop mahsulotlar bozorini diversifikatsiyalashning maqsadli ko'rsatkichlari asosida tuman kesimida eksport qilishning aniq chora-tadbirlar dasturini ishlab chiqsin.

5.Ushbu qaror ijrosini samarali tashkil qilishga tuman hokimining o'rinbosarlari G.Yuldashov, E.Hazratqulov, tuman qishloq xo'jaligi bo'limi boshlig'i T.Sailov mas'ul va shaxsiy javobgar etib belgilansin.

6.Mazkur qarorning ijrosini nazorat qilish tuman hokimining o'rinbosarlari G.Yuldashov, E.Hazratqulov zimmasiga yuklansin.

Konimex tumani hokimi



**RO‘ZIYEV
RUSLAN.NASIROVICH**